

lis Gnovis

UDIN. Messe par furlan

A Udin, la Messe par furlan e ven cjantade ogni sabide a 18, li de capele de «Puritât», daprûf dal domo. Sabide ai 14 di Dicembar e compagnarà la celebrazion liturgjiche la corâl «Garzoni» di Adornan. Al cjantarà messe pre Davide Larice dal Centri «Giovanni Micesio». Radio Spazio e trasmet sul moment, ogni setemane, dute la liturgjie.

UDIN. Imparâ la lenghe furlane

Fausto Zof al à publicât, cu la Cjase Editore Corvino Edizioni - Litostil di Feagne, un gnûf strument didatic dal titul «Cors teorico e pratic di lenghe furlane». Il libri al è stât inmaneât par judâ ducj chei che a bramin di cjapâ cussience dal fevelâ e scrivi te proprie lenghe. Cheste iniziative si propon di dâ i elements necessaris tal cjamp de fonologjie, morfologjie e sintassi. Al è un cors sempliç e pratic, li che in ogni lezion a vegnin indicadis lis regulis gramaticâls, seguidis di une schirie di esemplis e di exercizis. Dopo che il studiôs al varà eseguît i exercizis, al podarà là te part finâl dal libri, indulâ che al cjatarà dutis lis soluzions, e verificâ se la esecuzion dal lavôr e je stade davuelte te forme juste. Il libri, cuntune bieles vieste tipografiche, al è stât integrât di zûcs enigmistics, mûts di di, ilustrazions de pitore Valentina Picili e uns cuatri poesis che l'autôr al à scrit tai ultins agns. Chest cors, metût jù in grafie normalizade, al podarà dâ a ducj i destinataris lis cognossincis necessariis par podê mantignî vive la bieles e musicâl lenghe furlane e, tal stes timp, conservâ saldîs lis lidris des propriis origjins. Il libri al podarès jessi un biel regal di Nadâl pai fruts des scuclis.

Joibe 12	La Madone di Guadalupe	Lunis 16	S. Delaide
Vinars 13	S. Luzie vergjine	Martars 17	S. Modest
Sabide 14	S. Zuan de Crôs	Miercus 18	S. Gazian
Domenie 15	S. Virgjinie	Il timp	Zornadis fredis e ventosis



Il soreli
Ai 12 al iève aes 7.40 e al va a mont aes 16.21.



La lune
Ai 12 Lune plene.

Il proverbi
Cul timp si maduris la int.

Lis voris dal mès
Cuvierzêt cun stran e cul nylon i strops de verduris che o vès ancjemò tal ort.

La curie ch'è covente

Lis peraulis dal Pape pal Congrès di Madrid su la clime

La science nus dis ch'al è ancjemò pussibil frenâ il riscjaldament globâl. Ma ben par chel nus covente une volontât politiche convinte, previdente e fuarte, persuadude di fâ la svoltade necessarie par orientâ i investiments viers dai setôrs che pardabon a garantissin lis cundizions par une vite umane degne e par un «mont san», ore presint e tal avignî. Par tornâ a versonâ sul dovê di ognidun di fâ la part dal so dovê par scombatî cuintri da la puaretât e cuintri dai mudaments climatics e par di chestis peraulis ferbintis, Pape Francesc al à mandât a Madrid il segretari di stât vatican, Pietro Parolin, che ai 2 di Dicembar al è intervignût intant dal Congrès mondiâl su la clime, «Cop 25».

Il gardenâl al à let il mes dal Pape che, su la ferade da l'encicliche «Laudato si'», al à tomât a marcâ trop leadis ch'a son crisi ecologjiche e crisi sociâl e trop necessarie ch'è je l'«Ecologjie integrâl» par meti in vore il «compromès concertât e la dedizion gjenerose» domandâts a clâr



Pape Francesc, intant de Sinòde pa l'Amazonie

«Cop 25», drenti dai 13 di Dicembar, e à di furnî orientaments positîfs e precîs

dal «Compatât di Paris» dal 2015. Tal mont – al à tomât a bati Pape Francesc – e cres la cussience su lis cuistions di frontâ, ançe in gracie dal impegn de zoventût e de societât civil, ma ch'è cussience al e je ancjemò masse debil e no avonde buine di rispui diur, cun chês azions pressosis che il mont scientific al mostre tai siei studis, a lis dibisugnis. Ducj sa che si scuon «messedâsi intune te costruzion de nestre cjase comun», cemût ch'al ricognôs il «Compatât di Paris», ma la volontât politiche no je avonde suficiente, ni par inviâ i procès ch'a rispiti i tims pretindûts de

science ni par spartî cun justizie e cun ecuitât i coscj che chei procès a compuartin.

Ai soestants e ai esperts congregâts a Madrid, il Pape ur à ricuardât che l'Umanitât ju cjale cun serietât par viodi s'a dimostrin la volontât necessarie par destinâ, cun onestât, responsabilitât e cûr fuart, plui risorsis umanis, finanziariis e tecnologicjichis te lote par ridusi i efets negatîfs dai mudaments climatics e par judâ i popui plui puars e plui debii che magari cussî no a son simpri lis primis vitimis ançe da la crisi ecologjiche.

O sin daûr a frontâ une «sfide di civiltât» – al à scrit il Pape – che nus impon di rifleti cun cussience su l'impurtance dai nestrîs sistemis di produzion e di consum, ma ançe sui procès di educazion e di sensibilizazion e su l'interdipendence des azions di ducj, par sclari s'a son pardabon coerentis cu la dignitât umane. Par Francesc, l'umanitât e rivarâ adore di vinci ch'è sfide dome se la dignitât umane e sarâ il cûr de azion economiche, tecnologicjiche, sociâl e educative di ducj e se ducj a saran bogns di ricognossi l'inficje umane des emergjencis climaticis.

Mario Zili

SABATO 14 DICEMBRE 2019 ORE 20:45
CONCERTO DI PREMIAZIONE DEL CONCORSO
SOLISTI E BANDA 2019

AUDITORIUM "E.VENIER"
PASIAN DI PRATO

INGRESSO LIBERO!

FILARMONICA DEI PRATI

COMPOSTA DALLA BANDA MUSICALE DI PASSONS
E FILARMONICA "L.LINDA" DI NOGAREDO DI PRATO

DIRETTORI: ANDREA PICO GNA E SAMUEL MICONI

ANBIMA fvg

